

## Logoliornermik unammisitsineq

**Meeqqat atuarianni, Kalaallit Nunaanni efterskoleni, GUX-ini Majoriamilu** ilinniartitsisunut tamanut: Atuartuutisi/ilinniartuutisi maanna periarfissaqalerput logomik pilersitsinissamik peqataanissamut. Ilinniartitaanermut Aqutsisoqarfik logoliornermik unammisitsivoq, "Pimmatiginninneq akiorniarlugu periusissiaq - Paaqqinnittarfiit, meeqqat atuariat inuusuttullu ilinniarfii" atulersinnissaanut tunngatillugu. Logo periusissiamik atuutilersitsiniarnermi ilisarnaatigineqassaaq.

### **Pimmatiginninnermik isiginnittariaaseq nutaaq naatsumik**

Pimmatiginninnermik paasinnittariaaseq nutaaq tassaavoq, pimmatiginnittarneq inooqatigiinnermi pilersartoq aammalu inunnik ataasiakkaanik eqquisartoq. Kinguneri inuup inuillu pimmatiginninnermit eqqugaasut atugarissaarnerannut inuunermullu isumalluarnerannut annertuujusinnaapput. Pimmatiginninneq pillugu paasinninnerit tunngaviusut sisamat periusissiami qupperneq 28.-mi atuarneqarsinnaapput, [Pimmatiginnittarneq akiorniarlugu periusissiaq nutaaq \(iserasuaat.gl\)](https://www.iserasuaat.gl)

### **Ima iliussaait:**

Suliakkiut atuartunut nalinginnaasumik tunniunneqassaaq, atuartut/ilinniartullu nammineq fagini sorlarni logoliorusunnerlutik toqqassavaat.

### **Piomasagaatit tunniussinerlu**

Atuartut kisimiillutik, suleqateqarlutik klassitulluunniit tunniussisinnaapput.

Logo **Neriunnermik, toqqissisimanermik ataatsimuussusermillu** oqariartuuteqassaaq.

Atuartut namminneq oqaatsit toqqissisimaffiginerusatik atorlugit suliaqassapput, tassa kalaallisut, qallunaatut tuluttulluunniit.

Logo kingusinnerpaamik **20. oktober 2022** nassiunneqassaaq.

Ilinniartitsisut Teams aqutigalugu logo nassiutissavaat. Unilogin Teamsimut isissutaassaaq, Teamsimullu ilaasortanngornermi n1yjtwb koderineqassalluni. Ilitsersuut ataaniittoq takuuk.

Logo **Teamsikkut, Keynotikkut Book Creatorikkulluunniit** sanasinnaavarsi.

### **Pinnatassaassapput:**

- 1. Præmie** 10.000 kr.
- 2. Præmie** 3.000 kr.
- 3. Præmie** 2.000 kr.

Suliamut tunniussinissamulluunniit apeqqutissaqassagussi e-mailikkut Karen Mathiesen saaffigisinnaavarsi [kama@nanog.gl](mailto:kama@nanog.gl). Oqarasuaat 34 62 10.

Logot assersuutit:



[Home - MIO](#)



[STAND UP! – Express yourself \(stand-up.gr\)](#)



[Inuit Circumpolar Council – United Voice of the Arctic](#)